



Sarajevo, 01.09.2014. godine

Informacija o realizaciji ljetovanja na Boračkom jezeru u 2014. godini

Ljetovanje na Boračkom jezeru, u saradnji s Odredom izviđača „Neretva“ Konjic, realizovano je sa 195 učesnika iz Sarajeva, Visokog, Fojnice, Vareša, Bugojna, Zavidovića, Travnika i Konjica, u dvije smjene, od 08 do 22. jula 2014. godine.

Za ljetovanje je planirano 220 učesnika, međutim radi lošeg vremena, nakon dva dana boravka u kampu ljetovanje su prekinula 32 učesnika iz Udruženja Oaza iz Sarajeva i Zavoda Drin iz Fojnice.

Tokom ljetovanja planski su realizirani slijedeći sadržaji:

Edukativni: Preventivne mjere prilikom boravka u prirodi, Prva pomoć u prirodi, Reproductivno zdravlje djece i mladih, Značaj ekologije u savremenom društvu, Orijentacija u prirodi, Upravljanje ličnim budžetom, te 5 testova o poznavanju BiH, Udruženja „Obrazovanje gradi BiH“, historije i jedan finalni test.

Sportsko-rekreativni: Kvalifikaciona i finalna takmičenja u malom nogometu i odbojci na pijesku, i prijedodnevni i popodneveni boravak na plaži kada su dozvoljavali vremenski uslovi. Učesnicima je bilo omogućeno igranje šaha i tavlje.

Zabavni: Disko večeri, Izbor miss i mistera kampa uz prigodan program, i proglašenje najuspješnijih sportskih ekipa i po jedinaca.

Društveni: Na primjeren način obilježen je 11. juli - Evropski dan sjećanja na genocid u Srebrenici i 20. juli – Dan sjećanja na žrtve u prijedorskoj općini, a jednom broju učesnika omogućeno je obavljanje vjerskih obaveza za vrijeme mjeseca Ramazana.

Tokom ljetovanja nije bilo težih povrijeđivanja i oboljenja, radilo se uglavnom o ogrebotinama, ubodu insekata, blažim oblicima upala i blagim povećanjima tjelesne temperature pri čemu je pravovremeno pružena odgovarajuća pomoć.

Štab ljetovanja u cjelosti je izvršio funkcionalne obaveze i odgovornosti što je doprinijelo odgovornom ponašanju učesnika ljetovanja a naročito zalaganje, uz svakodnevno veliko opterećenje, ispoljile su kuharice.

Posebno zalaganje članova Štaba i rukovodilaca grupa ispoljeno je prilikom pogoršanja vremenskih uslova na zaštiti zdravlja i lične imovine učesnika.

Učesnici ljetovanja ispoljili su u većini korektno ponašanje osim nekoliko učesnika iz sastava Udruženja OGBiH.



Tokom ljetovanja dodjeljene su sljedeće stimulatívne mjere:

- Pred strojem je uručeno 10 monografija UOGBiH.
- Pred strojem je pohvaljen 51 učesnik.
- Uručene su u vidu nagrada 42 knjige.
- Uručeno je 15 zahvalnica vođama grupa,
- Uručeno je 11 diploma za takmičenje u malom nogometu, odbojci i pojedinačnih diploma,
- Prilikom smotre šatora dodijeljeno je 45 nagrada.
- Za rođendane je dodijeljeno 5 poklona.

Podatak da su učesnici ljetovanja iz Udruženja „Obrazovanje gradi BiH“ bili zastupljeni sa oko 30 % ukazuje na nedovoljan interes stipendista za ljetovanje na Boračkom jezeru.

Pored nedovoljne zainteresiranosti za ljetovanje na Boračkom jezeru, ponašanje članova Udruženja u pogledu discipline nije bilo na nivou renomea Udruženja.

Uz primjernu disciplinu, naročito zalaganje u realizaciji edukativnih sadržaja ispoljili su članovi Odreda izviđača „Zvijezda“ iz Vareša i volonteri Crvenog krsta/križa Općine Novo Sarajevo.

Troškovi ljetovanja u iznosu 22.140 KM podmireni su sredstvima stranih i domaćih donatora u novcu i robama, sredstvima Udruženja, participacijom organizacija/ustanova izvan strukture Udruženja i oslobađanjem obaveze plaćanja boravišne takse od Turističke zajednice HNK, Podružnica Konjic-Jablanica.

Zaključci:

1. Opći i posebni ciljevi ljetovanja, i pored loših vremenskih uslova, ostvareni su u visokom stepenu, prema Okvirnom planu ljetovanja čemu je doprinijelo uspješno rukovođenje.
2. Smještaj i ishrana su bili na nivou koji je zadovoljio standarde boravka u prirodi.
3. Uspješno su, uz neophodne korekcije izazvane lošim vremenom, realizirani edukativni, sportsko-rekreativni i zabavni sadržaji.
4. Nisu zabilježeni teži oblici povrijeđivanja, osnovna prva pomoć pružana je u kampu.
5. Učesnici su anketiranjem dali visoke ocjene o kvalitetu ljetovanja i izrazili želju za učešćem u 2015. godini.

Prijedlozi:

- Ostvariti selektivan pristup izboru učesnika iz Udruženja „Obrazovanje gradi BiH“,
- Nastaviti saradnju sa OOCK Novo Sarajevo i za eventualno naredno ljetovanje.
- Nastaviti saradnju sa Odredom izviđača „Neretva“ Konjic.

INFORMACIJU SAČINIO

Mehmed Agić